

MERITA TAKU

MERITA TAKU

SY TË AKULLT

Endem syve të tu,  
ditë e natë,  
ditën me diell  
dhe natën me hënë.

Endem syve të tu,  
akullnaja pa mbarim,  
dielli ditën nuk më ngroh  
e hëna natën nuk më ndrin.

Endem syve të tu  
ku vetëm akull kudo shoh,  
dua t'më prekë një rreze dielli  
që zemrën pak të ma ngroh'

Endem syve të tu  
që vetëm mjegulla i mbulon  
e hëna fshihet pas saj  
edhe rrugën s'ma tregon.

Endem syve të tu,  
por është e kotë më të qëndroj  
se dielli këtu nuk të ngroh  
Unë po tkurrem e më nuk shoh.  
Unë po iki, po shkoj jashtë  
se syri yt s'më pranoi,  
ndoshta do të vijë një ditë  
që ai të më kuptojë.

MERITA TAKU

I ka hedhur gjethet vjeshta  
Si jeta shpresat e mia  
Po kur t'vijë sërish pranvera  
Do të lulëzojë nga dashuria.

Zemra ime në dy pjesë  
Rron e ndarë dhe s'do të vdesë.  
Pret të vijë ajo ditë  
Që dy pjesët bashkë t'i ngjitë.